



**QUARTA SESSIONE STRASURDINARIA DI U 2018**  
**30 È 31 DI MAGHJU**

2018/E4/035

***Dumanda à bocca posta da Mma Paola  
MOSCA  
à nome di u gruppu "FEMU A CORSICA"***

### **OGETTU : Rinnovu di a cuncessione di l'Acque d'Orezza**

Da u 1998, a spluttera di l'Acque d'Orezza hè stata cuncessa à a **SUCETÀ NOVA DI SPLUTTERA DI L'ACQUE MINERALE D'OREZZA** cun una delegazione di serviziu publicu pè una durata di diciott'anni.

S'è no duvemu salutà a riescita economica di u ripigliatore iniziale, ci pudimu dinù interrughà nantu à i benefizii socio-economici effettivi concurnendu a Castagniccia è a Corsica. À stu titulu, i partenariati parecchi messi in piazza da l'acque d'Orezza fora di l'isula palesanu una sparghjera assimetrica di i benefizii operati da l'impresa. Ci dispiace dinù l'assenza di benefizii economici effettivi concurnendu a Castagniccia è a Corsica, in particolare à livellu di u tessutu suciale è associativu.

In u 2016, u consigliu dipartimentale di Corsica Suprana, proprietariu di a fonte, avia messu in ballu una prucedura di messa in cuncurenza da rinnuvellà a cuncessione. A prucedura ùn era pussuta sbuccà chì u proprietariu attuale avia esumatu una clausa aghjunta à a convenzione originale chì li permetta di benefizià d'un tempu di vinti mesi supplementarii.

A cullettività di Corsica hè diventata proprietaria di a fonte « Surgente Suttana » da u 1<sup>u</sup> di ghjennaghju di u 2018. Ci tocca oramai à perennizà l'attività economiche di u situ è à esse attenti à ciò chì a dinamica chì ne sbuccherà sia purghjitora d'effetti significativi è strutturenti nantu à u territoriu è à u benefiziu di l'attori lucali.

U rinnovu di a cunvenzione cuncernendu a spluttera di l'acque d'Orezza, hà da intervenè u 23 d'aostu di u 2018. Sta prucedura ci pò permette di ripensà a filusuffia chi serà quella di a Cullettività di Corsica, micca solu per a spluttera di una fonte chì hè un bè publicu, ma dinù pè u sviluppu socio-economicu di a piccula Castagniccia (Orezza, Alisgiani, Ampugnani).

A redazione di u futuru quaternu di e cariche chì inquadra a cuncessione si tene di fatti un'impurtenza capitale. L'Acque d'Orezza appartenenu à u patrimoniu cumunu di tutti i Corsi, a cuncessione futura deve garantisce a campabilità di l'impresa, ma dinù permette li di diventà un veru pulmone economicu à u serviziu di una micro - regione.

Sgiò Presidente

**Ci pudete fà cunnosce a filusuffia di l'Esecutivu di pettu à u rinnovu di a cuncessione di l'Acque d'Orezza è schjarinisce ci nantu à e mudalità ghjuridiche oghje à u studiu chì duverianu esse di natura à garantisce u sviluppu duratoghju d'un territoriu ch'ella hà cundannatu a storia cuntemporanea, pulitica è sucio-economica, à a desertificazione è à l'abandonu ?**

**Vi ringraziau.**